

Evangelium vum 20. Sonndeg am Joreskrees (Joer B)

Joh 6,51-58

G. *Den Här sief mat iech all.*

A. *An och mat lech.*

G. *Aus dem hellegen Evangelium nom Johannes.*

A. *Dir all Eier, Här.*

- 51 De Jesus sot zu deene ville Leit:
"Ech sinn dat liewegt Brout, dat aus dem Himmel erofkomm ass:
Wann ee vun dësem Brout ësst,
da lieft hien an Éiwegkeet;
d'Brout, dat ech ginn,
dat ass mäi Fleesch
fir d'Liewe vun der Welt."
- 52 Dueropshin hunn d'Judden ennerenee gestriden,
an si soten: "Wéi kann deen do äis säi Fleesch z'iesse ginn?"
- 53 Du sot de Jesus zu hinnen: "Amen, amen, ech soen iech:
Wann dir dem Mënschejong säi Fleesch net iesst
an säi Blut net drénkt,
dann hutt dir d'Liewen net an iech.
- 54 Wie mäi Fleesch ësst a mäi Blut drénkt,
deen huet éiwegt Liewen,
an ech loossen hien operstoen op Jéngsterdag.
- 55 Well mäi Fleesch ass wierklech fir z'iesse,
a mäi Blut ass wierklech fir ze drénken.
- 56 Wie mäi Fleesch ësst a mäi Blut drénkt,
dee bleift a mir,
an ech bleiwen an him.
- 57 Wéi de Papp, dee lieweg ass, mech geschéckt huet,
a wéi ech duerch de Papp liewen,
esou lieft och deejéinegen, dee mech ësst, duerch mech.
- 58 Dat hei ass d'Brout, dat aus dem Himmel erofkomm ass.
Mat him ass et net wéi mat deem Brout, dat d'Pappe giess hunn,
well si si gestuerwen.
Wien dat heite Brout ësst,

dee lieft an Éiwegkeet."

G. *Evangelium vun eiser Här Jesus Christus.*

A. *Dech, Christus, luewe mir.*